

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona ("Službene novine HNK", broj: 3/07 i 5/09) i člana 36. Zakona o izvršavanju Budžeta HNK za 2023. godinu („Službene novine HNK“, broj: 1/2023), na prijedlog Ureda predsjednika Vlade, Vlada Hercegovačko – neretvanskog kantona je na nastavku 196. sjednice, održanom 21.3.2023. godine, donijela

**O D L U K U**  
**O USVAJANJU PROGRAMA UTROŠKA SREDSTAVA UTVRĐENIH BUDŽETOM**  
**HNK NA POZICIJI UREDA PREDsjedNIKA VLADE**  
**„GRANT POJEDINCIMA“**

**I**

Usvaja se Program utroška sredstava s kriterijima i postupkom dodjele sredstava za su/finansiranje aktivnosti pojedinaca iz Budžeta HNK, s pozicije Ureda predsjednika Vlade, organizaciona jedinica 12010001, ekonomski kod 614 200 „Grant pojedincima“ (u daljem tekstu: Program).

**II**

Cilj Programa je podrška slijedećim pojedincima:

- a) fizičkim osobama – pojedincima čiji projekti promiču ciljeve i projekte iz oblasti koje su definisane tačkom 5. Programa i
- b) ugroženim - pojedincima koji žive u otežanim socijalnim, materijalnim ili zdravstvenim okolnostima.

**III**

Sredstva finansijske podrške iz tačke I dodjeljivat će se pojedincima koji su podnijeli zahtjev za dodjelom sredstava u tekućoj godini Uredu predsjednika Vlade HNK, ili su tokom godine podnijeli zahtjev Vladi HNK ili drugom kantonalnom tijelu, a isti je dostavljen Uredu predsjednika Vlade HNK. Ured predsjednika Vlade na web stranici Vlade, nakon usvajanja Budžeta HNK za tekuću godinu, ukoliko na poziciji Ureda predsjednika Vlade „Grant pojedincima“ budu planirana novčana sredstva objavit će informaciju o tomu, kao i obrazac za podnošenje zahtjeva za dodjelu novčane podrške.

**IV**

Zaprimljeni zahtjevi pojedinaca za dodjelom finansijskih sredstava bit će razmatrani najmanje dva puta u toku kalendarske godine, a o dodjeli novčane podrške korisnicima, na prijedlog Ureda predsjednika Vlade, odlučivat će Vlada HNK. Ukoliko iznos traženih sredstava po zaprimljenim zahtjevima bude veći od planiranih sredstava Ured predsjednika Vlade predložit će Vladi HNK nedostajuća sredstva osigurati s pozicije „tekuće rezerve“ ili izmjenama i dopunama Budžeta HNK.

**V**

Sredstva se dodjeljuju za projekte koji su u skladu s ciljevima i politici Hercegovačko-neretvanskog kantona, usmjereni na:

- afirmaciju stvaralaštva mladih;
- projekte zapošljavanja i samozapošljavanja mladih osoba;

- projekte, učestvovanje ili organizacija manifestacija iz područja znanstveno -kongresnih i istraživačkih djelatnosti;
- njegovanje vjerskih, tradicijsko-kulturnih i sportskih vrijednosti;
- izdavačka djelatnost;
- područje socijalne zaštite i zdravstva, posebno kao podrška pojedincima u izuzetno teškim životnim okolnostima (socijalnim, materijalnim i zdravstvenim), osobe s teškim invaliditetom, podrška radi liječenja, starije osobe u potrebi i sl.;
- podrška izvannastavnim programima/projektima u školstvu;
- jačanje obrazovanja, osposobljavanja i usavršavanja kojima je cilj sticanje znanja i vještina za povećanje zapošljavanja i prilagođavanje potrebama tržišta rada, posebno za deficitarna zanimanja;
- područje turizma, ugostiteljstva i zaštite okoline;
- nagrade i priznanja za posebna ostvarenja i postignuća;
- učestvovanje na međunarodnim sportskim takmičenjima, kao i takmičenjima iz obrazovnih-nastavnih predmeta i
- podrška projektima iz drugih područja od opšteg interesa.

## VI

Zahtjevi za dodjelu novčanih sredstava podnose se Uredu predsjednika Vlade HNK.

U zahtjevu se navode ciljevi i namjene za koje se traže sredstva.

Zahtjev za dodjelu sredstava treba sadržavati sljedeće podatke:

1. ime i prezime podnosioca s adresom i kontakt telefonom,
2. broj transakcijskog računa i naziv banke kod koje je račun otvoren,
3. razlog traženja sredstava
4. iznos sredstava koji se traži.

Ured predsjednika Vlade HNK nema obavezu vraćanja dostavljene dokumentacije podnosiocima zahtjeva.

## VII

Šef Kabineta predsjednika Vlade HNK imenovat će Komisiju za ocjenu i odabir projekata i dodjelu finansijskih sredstava pojedincima.

Komisija iz prethodnog stava će obavljati sljedeće poslove:

- Pripremiti obrazac za dodjelu novčanih sredstava;
- Prikupljati zahtjeve za dodjelom sredstava i obrađivati ih, te izvršiti procjenu i bodovanje projekata;
- Napraviti popis osoba s prijedlogom pojedinačnih iznosa novčanih sredstava za dodjelu s obrazloženjem i dostaviti je šefu Kabineta predsjednika Vlade, kao preporuku za donošenje odluke o dodjeli sredstava, kako bi je isti uputio Vladi HNK radi donošenja konačne odluke o dodjeli sredstava;

- Poslati obavijest svim korisnicima o dodjeli finansijske podrške i obvezi dostave izvještaja o namjenskoj potrošnji sredstava;
- Pratiti dostavu izvještaja o potrošnji sredstava za namjenu za koju su i odobrena i
- Šefu Kabineta predsjednika Vlade dostaviti izvještaj o radu i potrošenim sredstvima.

### VIII

Komisija će ocjenjivanje i odabir prijava za finansiranje aktivnosti vršiti sukladno obrascu za ocjenjivanje zahtjeva iz tačke 8. Programa, koji čini njihov sastavni dio.

### IX

Obrasci za ocjenjivanje zahtjeva:

- fizičke osobe – pojedinci čiji projekti promiču ciljeve i projekte iz oblasti koje su definisane tačkom 4. Programa

<b>OBRAZAC ZA OCJENJIVANJE ZAHTJEVA</b> fizičke osobe – pojedinci čiji projekti promiču ciljeve i projekte iz oblasti koje su definisane tačkom 4. Programa		
<b>IME I PREZIME PODNOSIOCA ZAHTJEVA:</b>		
<b>Namjena (program/projekat):</b>		
<b>Traženi iznos sredstava:</b>		
<b>Kriteriji za ocjenjivanje:</b>	<b>Maksimalan broj bodova</b>	<b>Konačna ocjena</b>
Iskustvo i stručni kapacitet za provođenje planiranih aktivnosti projekata/programa (odgovarajuće sposobnosti i vještine)?	5	
Postignuti uspjesi podnositelja prijave u naznačenoj oblasti?	5	
Ostvaruje li program/projekat viši interes i značaj za širu društvenu zajednicu, odnosno potiče li razvoj i afirmisanje određene oblasti na području HNK?	5	
Jesu li troškovi projekta/programa realni i usklađeni s planiranim aktivnostima projekta/programa?	5	
<b>Ukupan zbroj bodova:</b>	<b>20</b>	

<b>Prijedlog Komisije o visini sredstava za financiranje prijave:</b>	<b>KM</b>
---	-----------

b) ugroženi – pojedinci koji žive u otežanim socijalnim, materijalnim ili zdravstvenim okolnostima,

<b>OBRAZAC ZA OCJENJIVANJE ZAHTJEVA</b>		
ugroženi – pojedinci koji žive u otežanim socijalnim, materijalnim ili zdravstvenim okolnostima		
<b>IME I PREZIME PODNOŠIOCA ZAHTJEVA:</b>		
<b>Namjena sredstava:</b>		
<b>Traženi iznos sredstava:</b>		
<b>Kriteriji za ocjenjivanje:</b>	<b>Maksimalan broj bodova</b>	<b>Konačna ocjena</b>
Socijalno-materijalne okolnosti i uslovi života prijavitelja	5	
Zdravstveno stanje prijavitelja	5	
Osobito teške trenutačne životne okolnosti prijavitelja	5	
U kojoj mjeri će odobrena sredstva doprinijeti rješavanju problema korisnika?	5	
<b>Ukupan zbroj bodova:</b>	<b>20</b>	
<b>Prijedlog Komisije o visini sredstava za finansiranje prijave:</b>	<b>KM</b>	

Komisija vrednuje zahtjev prema kriterijima s pripadajućim brojem bodova.

Za svaki od kriterija, Komisija dodjeljuje usuglašen broj bodova u rasponu od 1-5 na sljedeći način:

- 1- Loše
- 2- Zadovoljavajuće
- 3- Dobro
- 4- Vrlo dobro
- 5- Izuzetno

Ukupan broj bodova predstavlja zbroj svih bodova dodijeljenih u obrascu za ocjenjivanje.

**X**

Podnosilac zahtjeva može aplicirati na ukupan iznos cijene projekta ili dio nedostajućih sredstava.

Projekti/programi, koji budu predloženi za su/finansiranje podržat će se sukladno finansijskim mogućnostima, odnosno u iznosu do 5.000, 00 KM po korisniku.

**XI**

Korisnici sredstava kojima budu odobrena sredstva na osnovu odluke Vlade HNK obavezni su ovom Uredu dostaviti izvještaj o namjenskom utrošku dodijeljenih sredstava.

**XII**

Odluka stupa na snagu danom donošenja, a objavit će se u „Službenim novinama Hercegovačko – neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**VLADA**

Broj: 01-1-02- 736 /23  
Mostar, 21.3.2023. godine

**PREDSJEDNIK**

dr. sc. Nevenko Herceg



**P R I J A V A**  
**za predlaganje sufinansiranja projekata i/ili potreba (socijalnih, zdravstvenih)**  
**iz sredstava utvrđenih Budžetom HNK -grant pojedincima**

Podnosilac prijave:

\_\_\_\_\_ ( Ime i prezime)

Jedinstveni matični broj (JMBG):

Adresa stanovanja: \_\_\_\_\_

Telefon: \_\_\_\_\_ e-mail: \_\_\_\_\_

Transakcijski račun, naziv i adresa banke u kojoj je račun otvoren:

Kontakt osoba: \_\_\_\_\_

Sadržaj projekta ili stanja potrebe u kraćim crticama:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

Uz prijavu priložiti dokumentaciju kojom se potkrepljuju navodi iz sadržaja.

(dokumenti ne moraju biti originali)

Vrijednost projekta (KM): \_\_\_\_\_

Tražena sredstva (KM): \_\_\_\_\_

Mjesto i datum: \_\_\_\_\_

Prijavu podnosi:

\_\_\_\_\_  
**(ime i prezime i potpis podnosioca zahtjeva)**